

## **Iluarsiissut**

Siunnersuut 19. aggusti 2022-meersoq taarserpaa

(Inatsisip pitsaassusersiorneqarneranit naqqiissuteqartoqarpoq, ilanngullugit oqaaseqartigiinnik allaqqiinerit, kiisalu siornatigut malittarisassaasimasunit maanna inatsimmut pingaarnermut atuuttumut ikaarsaarneq pillugu oqaaseqaatinik piiaaneq)

Siunnersuummut oqaaseqaatit

## **Oqaaseqaatit nalinginnaasut**

### **1. Allaqqaasiut**

Utoqqalinersiaqarneq pillugu Inatsisartut inatsisaat aamma siusinaartumik pensionisiat pillugit Inatsisartut inatsisaat pillugit allannguutit Inatsisartut upernaakkut ataatsimiinnermi 2022-mi akuersissutigaat. Tassani siusinaartumik pensionisianik qaffasinnerpaamik pisartagaqartup qanoq amerlatigisunik isertitaqarnissaanut killiliussaq, utoqqalinersianik ilanngaasoqannginnerani, ukiumut 28.000 kr.-iniit 38.000 kr.-inut qaffanneqarpoq.

Kingornatigut isumaginninnermi ikiorsiissutit tunniunneqartartut atuuttut pillugit kaajallaasitap (ikiorsiissutinut kaajallaasitaq) nutarterneqarneranut atatillugu naatsorsuinnermut tunngatillugu naleqqutinngitsumik imaqartoq paasineqarpoq. Naleqqutinngitsumik imarisaa tassaavoq siusinaartumik pensionisianik qaffasinnerpaanik pisartagaqartup aningaasat tigungmiinnagassat pillugit aalajangersakkami, siusinaartumik pensionisianik annikinnerpaanik pisartagaqarnermi aningaasat tigungmiinnagassanut aalajangersakkamut innersuussisoqarmat, taakkulu sulii 28.000 kr.-iullutik. Tamanna naatsorsuinnermi naleqqutinngitsumik iliuseqarnernik arlalinnik kinguneqarpoq, tamannalu aatsaat paasineqarluni ikiorsiissutinut kaajallaasitap nutarterneqarneranut atatillugu.

Siunnersuutip matuma tamanna kisiat iluarsiiiffiginiarpaa, siusinaartumik pensionisialinnut tamanut aningaasat tigungmiinnagassat 28.000 kr.-iniit 38.000 kr.-inut qaffallugit.

### **2. Siunnersuutip imarisai pingaarnertit**

Siusinaartumik pensionsiat pillugit Inatsisartut inatsisaanni § 15 malillugu, siusinaartumik pensionisianik annikinnerpaanik pisartagaqartup, qanoq isertitaqartigisinnaaneranut killiliussaq, sulisinnaajunnaarnersiutinik ilanngaasoqannginnerani, 28.000 kr.-iniit 38.000 kr.-inut siunnersuutip qaffaaffigaa.

Tamatuma saniatigut Siusinaartumik pensionsiat pillugit Inatsisartut inatsisaanni § 16 malillugu, siusinaartumik pensionisianik akunnattunik pisartagaqartup, qanoq isertitaqartigisinnaaneranut killiliussaq, sulisinnaajunnaarnersiutinik ilanngaasoqannginnerani, 28.000 kr.-iniit 38.000 kr.-inut siunnersuutip qaffaaffigaa.

Siunnersuutitigut siusinaartumik pensionisiaqartut tamarmik taamaalillutik 38.000 kr. angullugit isertitaqarsinnaapput, sulisinnaajunnaarnersiutiniminnik ilanngaanneqannginnerminni.

Naggataatigut siusinaartumik pensionsiat pillugit Inatsisartut inatsisaanni § 17, imm. 4-mi aamma 6-imi, siusinaartumik pensionsiat qaffasinnerpaanut tunngatillugu, aningaasat 28.000 kr.-iniit 38.000 kr.-inut allanngortinneqarput. Matumani allannguineq teknikimut tunngavoq, arlaatigulluunniit kinguneqartussaanngitsoq.

### **3. Pisortanut aningaasaqarnikkut allaffissornikkullu kingunerisinnaasai**

Naliliinnermut nalunaarusiami ”Siusinaartumik pensionisiaqartitsinnermut aaqqissuusseqqinneq pillugu naliliiffiginera” 2020-meersumi allaqqavoq, siornatigut Isumaginninnermut, Ilaqutariinnermut Inatsisinillu Atuutsitsinnermut Naalakkersuisoqarfimmit suliarineqartoq, 2019-imi inuit 2444 missaanniittut siusinaartumik pensionisianik pisartagaqartut. Taakkunannga innuttaasut tallimat missaannaanni siusinaartumik pensionisianik appasinnerpaanik pisartagaqarput innuttaasullu 16-it siusinaartumik pensionisianik akunnattunik pisartagaqarlutik. Taamaalilluni siusinaartumik pensionisiaqartut amerlanerpaartaat siusinaartumik pensionisianik qaffasinnerpaanik pisartagaqarput.

Kalaallit Nunaanni Naatsorsueqqissaartarfimmiit kisitsit kingulliit takutippaat, 2021-p naalernerani siusinaartumik pensionisianik pisartagaqartut amerliallattut katillugit 2526-ullutik. Taamaalilluni kisitsit qulaani taaneqartut inuit siusinaartumik pensionisianik appasinnerpaanik akunnattunillu pisartagaqartut pingaarutilimmik allanngorsimanissaat naatsorsuutigineqanngilaq.

Taamaalillutik siusinaartumik pensionisianik appasinnerpaanik akunnattunillu pisartagaqartunut aningaasat tigungmiinnagassat ukiumut 28.000 kr.-iniit 38.000 kr.-inut allannguutaannut aningaasartuutit akeqassapput ukiumut  $(10.000 \text{ kr.} * 0,43 * (5+16) =) 90.300 \text{ kr.}$ -it, taakkualu akileraartarnermi isertitassanit annaaneqassallutik, siusinaartumik pensionisialinnit eqqorneqartunit tamanit ilanngaat qaffanneqartoq atorneqassappat, tamannali ilimagineqarnani.

Tamanna tunngavigalugu naatsorsuutigineqarpoq, aningaasartuutit 2022-mi aningaasaqarnermut inatsimmi atugassatut immikkoortinneqartut 15 mio. kr.-it aamma 2023-miit ukiumut 30 mio. kr.-it iluanni matussuserneqarsinnaasut, taamaattumillu siunnersuutit aningaasartuutaanissaa takorloorneqarnani.

### **4. Inuussutissarsiutinik ingerlataqartunut aningaasaqarnikkut allaffissornikkullu kingunerisassai**

Siunnersuut inuussutissarsiutinik ingerlataqartunut aningaasaqarnikkut allaffissornikkulluunniit kinguneqassanngilaq.

### **5. Avatangiisinut, pinngortitamut innuttaasullu peqqissusaannut kingunerisassai**

Siunnersuut avatangiisinut, pinngortitamut innuttaasullu peqqissusaannut kinguneqassanngilaq.

### **6. Innuttaasunut kingunerisassai**

Siusinaartumik pensionisiallit annikinnerpaanik akunnattunillu pisartagaqartussatut akuerineqartut, sulinerikkut ilanngaanneqanngikkaluarlutik isertitaqarnerusinnaanerat siunnersuummit periarfissinneqassaaq, tamannalu sulerusussuseqarnerunermik kajuminnerulersitsiumaarluni.

### **7. Kingunissat pingaarutilit allat**

Siunnersuut pingaarutilinnik allanik kinguneqassanngilaq.

### **8. Tusarniaaneq**

Siunnersuut tusarniaassutigineqanngilaq, siunnersuummi allannguutaasoq annikitsuummat, aningaasaqarnikkullu annertunerusumik kinguneqartussaananani, kiisalu siunnersuut innuttaasut

eqqugaasut kisiisa iluaqusissammagit, sulisinnaajunnaarnersiutaasa saniatigut amerlanerusunik isertitaqarnissaannut periarfissiilluni ilannganneqanngikkaluarlutik.

**Siunnersuutip aalajangersagaanut ataasiakkaanut oqaaseqaatit***§ 1-imut*

Nr. 1-imut

Imm. 3-mut

Aalajangersagaq aalajangersakkamik atuuttumik ingerlatitseqqiineruvoq. Allannguutituaasoq tassaavoq aningaasat tigummiinnagassat siusinaartumik pensionisiallit annikinnerpaanik pisartagaqartup ilanngaanneqannginnermini isertitassaat, 28.000 kr.-iniit 38.000 kr.-inut qaffanneqarmata.

Aalajangersakkami aalajangersarneqarput, siusinaartumik pensionisiallip aappaqarsimaguni, nalunaarsukkamik aappaqarsimaguni inooqatigisaqaruniluunniit ukiumoortumik isertitaat tamakkiisut aalajangersakkami aningaasat killiliussat qaangerpatigit siusinaartumik pensionisiassat qanoq ilillutik tunniunneqartartut annikilliertortinneqassanersut.

Taamaalilluni aalajangiisoq tassaassaaq siusinaartumik pensionisialik taassumalu aappaa, nalunaarsukkamik aappaa inooqataataluunniit ukiumoortumik isertitai katillugit. Isertitat sulinermit, ernianit isertitanit, suliffeqarnermit tjenestemanditulluunniit pensionisianit allanilluunniit isertitaappata ilanngaassisoqartassaaq, pisortanit sulisinnaajunnaarnersiutit minillugit.

Aalajangersakkami aamma allaqqavoq, isertitat siulliit 100.000 kr.-it aapparisamit, nalunaarsukkamik aapparisamit inooqatimilluunniit isertitaninngaanneerpata, naatsorsuinermit ilanngunneqassanngitsut.

Imm. 4-mut

Aalajangersagaq aalajangersakkamik atuuttumik ingerlatitseqqiineruvoq. Allannguutituaasoq tassaavoq ilanngaasat, imm. 3-mi allannguutip kingunerisaanik, 28.000 kr.-iniit 38.000 kr.-inut qaffanneqarmat.

Nr. 2-mut

Imm. 3-mut

Aalajangersagaq aalajangersakkamik atuuttumik ingerlatitseqqiineruvoq. Allannguutituaasoq tassaavoq aningaasat tigummiinnagassat siusinaartumik pensionisianik akunnattunik pisartagaqartup ilanngaanneqannginnermini isertitassai, 28.000 kr.-iniit 38.000 kr.-inut qaffanneqarmata.

Aalajangersakkami aalajangersarneqarput, siusinaartumik pensionisiallip aappaqarsimaguni, nalunaarsukkamik aappaqarsimaguni inooqatigisaqaruniluunniit ukiumoortumik isertitaat tamakkiisut aalajangersakkami aningaasat killiliussat qaangerpatigit siusinaartumik pensionisiassat qanoq ilillutik tunniunneqartartut annikilliertortinneqassanersut.

Taamaattumik aalajangiisoq tassaassaaq siusinaartumik pensionisialik taassumalu aappaa, nalunaarsukkamik aappaa inooqataataluunniit ukiumoortumik isertitai katillugit. Isertitat sulinermit, ernianit isertitanit, suliffeqarnermit tjenestemanditulluunniit pensionisianit allanilluunniit isertitaappata ilanngaassisoqartassaaq, pisortanit utoqqalinersiat minillugit.

Aalajangersakkami aamma allaqqavoq, isertitat siulliit 100.000 kr.-it aapparisamit, nalunaarsukkamik aapparisamit inooqatimilluunniit isertitaappata, naatsorsuinermi ilanngunneqassanngitsut.

#### Imm. 4-mut

Aalajangersagaq aalajangersakkamik atuuttumik ingerlatitseqqiineruvoq. Allanguutituaasoq tassaavoq ilanngaar, imm. 3-mi allanguutip kingunerisaanik, 28.000 kr.-iniit 38.000 kr.-inut qaffanneqarmat.

#### Nr. 3-mut

Aalajangersagaq aalajangersakkamik atuuttumik ingerlatitseqqiineruvoq. Allanguutituaasoq tassaavoq ilanngaar, siusinaartumik pensionisiat pillugit Inatsisartut inatsisaanni kingullermik allangortinneqarnerani imm. 3-mi allanguutip kingunerisaanik, 28.000 kr.-iniit 38.000 kr.-inut qaffanneqarmat.

Aalajangersakkap aalajangersarpaa tunngaviumik pensionisiani qaffasinnerpaamik siusinaartumik pensionit 50 %-iini, taakkulu siusinaartumik pensionisialinnut appasinnerpaamik siusinaartumik pensionit annertutigisut, tassani siusinaartumik pensionisialik aappaqarsimaguni aapparisaata ukiumut isertitat katillugit § 15, imm. 3-mi aningaasanut killiliussat sinnernagit.

Tunngaviumik pensionit appartinneqassapput appasinnerpaamik siusinaartumik pensionisiant aningaasat assinginut, taakkulu § 15, imm. 4-mi malillugit nalimmassarneqartarput. Taamaalilluni § 17, imm. 6 tunngaviumik pensioninut atuutissanngilaq.

#### Nr. 4-mut

Aalajangersagaq aalajangersakkamik atuuttumik ingerlatitseqqiineruvoq. Allanguutituaasoq tassaavoq ilanngaar, siusinaartumik pensionisiat pillugit Inatsisartut inatsisaanni kingullermik allangortinneqarnerani imm. 3-mi allanguutip kingunerisaanik, 28.000 kr.-iniit 38.000 kr.-inut qaffanneqarmat.

#### § 2-mut

Inatsisartut inatsisaat 1. januar 2023 atuutilerpoq.

## Ilanngussaq 1

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<b>§ 1</b> Siusinaartumik pensionisiat pillugit Inatsisartut inatsisaat nr. 40, 9. december 2015-imeersoq, tak. Namminersorlutik Oqartussat nalunaarutaat nr. 2, 4. februar 2022, Inatsisartut inatsisaanni nr. 9, 20 juni 2022-imeersumi allanngortinneqartumi, makkua allannguutigineqarput:
<p><i>Imm. 3.</i> Siusinaartumik sulisinnaajunnaarnersiuteqarnermi pisartakkat appartinneqassapput, siusinaartumik sulisinnaajunnaarnersiuteqartoq aammalu taassuma apparisaata ukiumoortumik isertitarisaat, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akornanni isumaginninnikkut Isumaqatigiissut naapertorlugi 28.000 kr.-it sinnerpatigiti ilanngullugit § 17, imm. 2 naapertorlugi siusinaartumik sulisinnaajunnaarnersiutit annertunerpaat affaatut tunniunneqartartut. Apparisaqarsimagaanni taassuma isertitai siulliit 100.000 kr.-it ilanngunneqassanngillat.</p> <p><i>Imm. 4.</i> Siusinaartumik pensionisiat annikinnerpaat §§ 20 aamma 21 naapertorlugit isertitatigut tunngaviit affaannik ikilisinneqassapput, § 17, imm. 2 naapertorlugi siusinaartumik pensionisiat annerpaartaasa affaat ilanngullugit 28.000 kr.-it ilanngaatilugit.</p>	<p><b>1.</b> § 15, imm. 3 aamma 4 ima oqaasertalerneqassapput: ” <i>Imm. 3.</i> Siusinaartumik sulisinnaajunnaarnersiuteqarnermi pisartakkat appartinneqassapput, siusinaartumik sulisinnaajunnaarnersiuteqartoq aammalu taassuma apparisaata ukiumoortumik isertitarisaat, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akornanni isumaginninnikkut Isumaqatigiissut naapertorlugi 38.000 kr.-it sinnerpatigiti ilanngullugit § 17, imm. 2 naapertorlugi siusinaartumik sulisinnaajunnaarnersiutit annertunerpaat affaatut tunniunneqartartut. Apparisaqarsimagaanni taassuma isertitai siulliit 100.000 kr.-it ilanngunneqassanngillat.</p> <p><i>Imm. 4.</i> Siusinaartumik pensionisiat annikinnerpaat §§ 20 aamma 21 naapertorlugit isertitatigut tunngaviit affaannik ikilisinneqassapput, § 17, imm. 2 naapertorlugi siusinaartumik pensionisiat annerpaartaasa affaat ilanngullugit 38.000 kr.-it ilanngaatilugit.”</p>
<p><i>Imm. 3.</i> Siusinaartumik sulisinnaajunnaarnersiutit appartinneqassapput siusinaartumik sulisinnaajunnaarnersiuteqartoq aammalu taassuma apparisaata ukiumoortumik isertitai, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani Avannarliit akornanni isumaginninnikkut Isumaqatigiissut naapertorlugi 28.000 kr.-it</p>	<p><b>2.</b> § 16, imm. 3 aamma 4 ima oqaasertalerneqassapput: ” <i>Imm. 3.</i> Siusinaartumik sulisinnaajunnaarnersiutit appartinneqassapput siusinaartumik sulisinnaajunnaarnersiuteqartoq aammalu taassuma apparisaata ukiumoortumik isertitai, tamatumani ilanngunnagit siusinaartumik sulisinnaajunnaarnersiutit, utoqqalinermi pensionisiat aammalu Nunani</p>

<p>sinnerpagit ilanngullugit § 17, imm. 2 naapertorlugu siusinaartumik sulisinnaajunnaarnersiutit annertunerpaat pingasorararterutaatut tunniunneqartartut. Aapparisaqarsimagaanni taassuma isertitai siulliit 100.000 kr.-it ilanngunneqassanngillat.</p> <p><i>Imm. 4.</i> Siusinaartumik pensionisiat akunnattumik annertussusillit §§ 20 aamma 21 naapertorlugit 2/3-nik ilanngarneqassapput, § 17, imm. 2 naapertorlugu siusinaartumik pensionisiat annerpaartaasa pingajorararterutaannik ilallugit 28.000 kr.-inik ilanngarlugit.</p>	<p>Avannarliit akornanni isumaginninnikkut Isumaqatigiissut naapertorlugu 38.000 kr.-it sinnerpagit ilanngullugit § 17, imm. 2 naapertorlugu siusinaartumik sulisinnaajunnaarnersiutit annertunerpaat pingasorararterutaatut tunniunneqartartut. Aapparisaqarsimagaanni taassuma isertitai siulliit 100.000 kr.-it ilanngunneqassanngillat.</p> <p><i>Imm. 4.</i> Siusinaartumik pensionisiat akunnattumik annertussusillit §§ 20 aamma 21 naapertorlugit 2/3-nik ilanngarneqassapput, § 17, imm. 2 naapertorlugu siusinaartumik pensionisiat annerpaartaasa pingajorararterutaannik ilallugit 38.000 kr.-inik ilanngarlugit.”</p>
<p><i>Imm. 4.</i> §17, imm. 2 naapertorlugu, siusinaartumik pensionisiallit pisinnaatitaapput tunngaviusumik pensionisiani qaffasinnerpaamik siusinaartumik pensionit 50 %-iinik pisassallutik, aappaqarsimagunik aapparisaata piffissami pineqartumi tamakkiisumik isertitariunnagaasa annertussusii apeqqutaatinnagit. § 17, imm. 2 naapertorlugu, tunngaviusumik pensionisiat appartinneqassapput, siusinaartumik pensionisiallip ukiumut tamarmiusunik piffissami pineqartumi isertitaasa, siusinaartumik pensionisiat, utoqqalinersiat pensionisiallu Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu akiliutigineqarsimasut, ilanngunnagit, 28.000 kr.-t, qaffasinnerpaamik pensionisiat 50 %-ii ilanngullugit, sinnerpatigit. § 15 imm. 4. Naapertorlugu, § 17, imm. 6 atorneqassanngilaq, appartitsisoqassaaq appasinnerpaamik siusinaartumik pensionisiat anut aningaasanut killiliussat assingi malillugit.</p>	<p><b>3.</b> § 17, stk. 4 ima oqaasertalerneqassaaq: ” <i>Imm. 4.</i> §17, imm. 2 naapertorlugu, siusinaartumik pensionisiallit pisinnaatitaapput tunngaviusumik pensionisiani qaffasinnerpaamik siusinaartumik pensionit 50 %-iinik pisassallutik, aappaqarsimagunik aapparisaata piffissami pineqartumi tamakkiisumik isertitariunnagaasa annertussusii apeqqutaatinnagit. § 17, imm. 2 naapertorlugu, tunngaviusumik pensionisiat appartinneqassapput, siusinaartumik pensionisiallip ukiumut tamarmiusunik piffissami pineqartumi isertitaasa, siusinaartumik pensionisiat, utoqqalinersiat pensionisiallu Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu akiliutigineqarsimasut, ilanngunnagit, 38.000 kr.-t, qaffasinnerpaamik pensionisiat 50 %-ii ilanngullugit, sinnerpatigit. § 15 imm. 4. Naapertorlugu, § 17, imm. 6 atorneqassanngilaq, appartitsisoqassaaq appasinnerpaamik siusinaartumik pensionisiat anut aningaasanut killiliussat assingi malillugit.”</p>
<p><i>Imm. 6.</i> §§ 20 aamma 21-ni taaneqartutut qaffasinnerpaamik pensionisiat 100 %-imik appartinneqassapput, isertitatigut toqqammaviusut 28.000 kr.-inik ilanngarlugit qaffasinnerusimassappata.</p>	<p><b>4.</b> § 17, stk. 6 ima oqaasertalerneqassaaq: ” <i>Imm. 6.</i> §§ 20 aamma 21-ni taaneqartutut qaffasinnerpaamik pensionisiat 100 %-imik appartinneqassapput, isertitatigut toqqammaviusut 38.000 kr.-inik ilanngarlugit</p>

	qaffasinnerusimassappata.”
	<b>§ 2</b> Inatsisartut inatsisaat 1. januar 2023 atuutilerpoq.